Date: 2 August 1570

REF: GD112/39/9/4 (SHS ed. No. 126)

Place: Blair Atholl

From: William Maitland of Lethington **To:** Katherine Ruthven, Lady Glenorchy

Address: To the Lady Glenwrquhay

Eftar hartly commendatioun. I ressavit zour wryting with the trew informatioun off the mischance happinnit betuix the Lardis servandis and my Lord off Athollis quhilk as I beleave my selff to be trew sa I wald be glad my Lord off Athoill war persuadit to credit in lykemaner. For at the first he tuke the mater veary ewill and the men yat wer on h[is] wache send hym word off it in the werst maner quhilk ... knaw will move ony man to anger on the suddayn [gif] thay awin servandis quhome thay credit reportis the [harm] odiously. Sensyne I haiff nocht spocken with hym for he s... off this place within a quartar off an hour efter the word come. At his returning quhilk I trust salbe this [nycht] I sall deale with hym in the mater. Praying zow to caus the Lard send some to hym with the trew informatioun and offer to lat hym selff try the offence and to reforme it at his awin sicht. And giff the falt ...[is] ... ye [Lardis] servandis yat he sall deliver thaym to my Lord ... to [be] punist. I caus the Lord off Grantuly ... and [he] sall concur with hym to help to mitigate ... I am sa far behaldin to zow bayth I wald ... yair war ony variance betuix zow. I pray zow yat I may haiff the falcon alsua with the goisshalk becaus I am now in the hyeland divars freindis hes send to me for halkis and I can nocht get to satisfy the halff off thaym. Quhairin I may do zow pleasor ze haiff powar to command me and sa I wisshe zow to fare weill. From [Blair in] Atholl the secund off August 1570.

Zours alwayis to command, William Maitland

[PS] My Lord Levingstoun² prayis me to mak his commendatiounis baith to zow and the Lard.

¹ For the 'mischance', see Introduction.

² William, 6th Lord Livingstone, had visited Kilchurn Castle in July after his return from England, <u>CSPSc</u>, III, 278, and remained at Blair Atholl for several days, 4 August 1570, <u>CSPSc</u>, III, 299-300.